



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Rvperti Abbatis Monasterii Tuitiensis, ordinis sancti
Benedicti, Theologi antiqui ac plane clarissimi, in Cantica
Canticorum de incarnatione Domini commentario[rum],
libri VII**

Rupertus <Tuitensis>

[Köln], 1527

VD16 B 3703

Manus eius tornatiles, aureæ, plenæ hyacinthis.

urn:nbn:de:hbz:466:1-34445

¶ Fuit autem initium prædicationis eius pœnitentia, præcurrente in hoc ipsum Ioanne, sicut ipsa manifeste scriptura euangelica demōstrat. In diebus autem illis (inquit) uenit Ioannes bap. prædicans in deserto Iudææ & dicens: Pœnitentiam agite, appropinquabit enim regnum cœlorum. Item: Cum audisset Iesus q̄ Ioannes traditus esset, secessit in Galilæā, & exinde cœpit prædicare & dicere. Pœnitentiam agite, appropinquabit enim regnum cœlorum. Sed & alias ubique occasio se præbuit, illā ostendit fuisse aduentus sui causam, uocare. s. pctōres ad pœnitentiam, & hæc est amicarum quoque eius doctrina circa omnes homines, ut mortificent mēbra sua super terram. Ergo ueraciter labia eius lilia distillantia myrrham primam, quia docet munditiam, uocat ad pœnitentiam, Non qualēcūq; myrrham, sed myrrham (inquit) primam, id est, ueram & optimam, scilicet nequaquam cupiditate uanæ gloriæ adulteratā. Cum, inquit ieiunatis, nolite fieri sicut hypocritæ tristes. Tu autem cum ieiunas, unge caput tuum & faciem tuam laua, ne uidearis hominibus ieiunans, sed patri tuo, qui est in absconso, & pater tuus qui uidet in absconso, reddet tibi.

Matth. 3.

Matth. 4

Luc. 5.
Coloss. 2.

Matth. 6.

¶ Manus eius tornatiles, aureæ, plenæ hyacinthis.

¶ In quo manus eius tornatiles & aureæ? Nimirum in faciendo miracula, ut constanter dicere possit. Si non facio opera patris mei, nolite credere mihi. Si autem facio, & si non uultis mihi credere, operibus credite, uidelicet q̄ feci in uo-

Ioan. 10

L S

RVP. IN CANT. CAN. CAP. V.

his, qualia uel quomodo nemo alius fecit: Nemo quippe alius manus in faciendis signis uel prodigijs ita tornatiles & ita aureas habuit. i. nemo ita uelox & potens extitit in huiusmodi, ex omnibus, quicunque mira in hoc mundo sunt operati. Qui torno operatur, facilius, citius, atque perfectius operatur. ¶ Sic iste dilectus nimirum longe facilius, multo citius, ualde perfectius, mira quae uoluit operatus est, quam aliquis ex cunctis operarijs uirtutum quicunque a seculo fuerunt. Illi namque multo sudore, multis orationum atque ieiuniorum impendijs, multo clamore cordis & oris, aliunde, scilicet ex DEO, acquirere siue obtinere meruerunt cuiuslibet (quam utique in semetipsis uel ex semetipsis non habebant) uirtutis effectum hic autem solo nutu, sola uoluntate, solo imperio, interdum & taciturnus, quod uoluit operatus est. Exempli gratia: Cum dixisset in nuptijs: Implete hydrias aqua, non solum non clamauit aut orauit, sed nec uoce sua siue labiorum motu iussit saltem aut dixit, conuertantur uel conuertimini aquae in uinum, sed de hoc omnino tacitus, haurite nunc, inquit, & ferte architriclino, scies & certus, quod satis sensisset natura tacitum conditoris sui nutum. Nec mirum: Ipse enim erat & est antiquus tornator, qui tor nauit caelum & terram & Sphaeram Solis & Lunae cunctaque corpora stellarum torno suo, id est, imperio uelocissimo. ¶ Unde manus eius adeo tornatiles? Nimirum ex eo quod sunt aureae. Quid est aureae, nisi diuinae? Substantia namque uerbi incarnati uerum aurum est, uera diuinitas est: & unde, quod ita uelociter currunt manus eius, quia quamuis infu-

Ioan. 2.

tate carnis obiectæ fuerint, nihilominus tamen tornatiles, ut erant, perseverauerunt, & in nullo infirmatæ siue tardiores effectæ sunt,

¶ Adde & hanc sapientiæ laudem, tanto præconio fortitudinis siue uelocitatis, quia plenæ hyacinthis, lapidibus utiq; præciosis, Qui nam sunt illi hyacinthi? Nimirum cœlestes causæ mirabilem ipsorū quæ fecit, quas intendit, quas internis præ oculis habuit sensus iterni, sensu pulcherrimi, quos tu, dum cum exteriori opere coniungis, dum clare intelligis, dum oportune eloqueris, nimirum hyacinthos pulcherrimos auro optimo supadditos ostendis. Exempli gratia: Ut illuminaret cæcum a natiuitate expuit in terram, & fecit lutum ex sputo, & liniuit super oculos eius, & dixit ei: Vade & laua in natatoria Syloe, &c. In hoc nimirum manus eius tornatiles & aureæ claruerunt, quia & uelociter operatus est, & sicut deus in potestate opus fecit diuinum. Adde nunc causas quare taliter operatus sit, cum dicere posset, sicut alij dixit: Respice, si des tua te saluum fecit, & ecce manus eadē plenæ hyacinthis. Quæ nam illæ causæ sunt? Illæ profecto, quas usq; in hanc diem sancta ecclesia diligenter obseruat in cathecuminis suis, prius limiendo oculos eorum fide uel doctrina incarnationis eiusdem dilecti filij dei: in qua uidelicet incarnatione, quasi sputum oris dei, pulueri terræ sese indidit & unus idemq; deus & homo ad illuminandum genus humanum processit de utero uirginis, & deinde mittendo eos in fontem baptismi, quo per spiritum sanctum totus homo illuminatur & uiuit.

Ioan. 9

Lucæ. 18.